

**STATUT
ŠAHOVSKE UNIJE
BOSNE I HERCEGOVINE**

SADRŽAJ

- I **DEFINICIJA TERMINA**
- II **OPŠTE ODREDBE**
 - Pravni Status**
 - Član 1
 - Član 2
- III **NAZIV, SJEDIŠTE I OBILJEŽJA**
 - Član 3
 - Član 4
 - Ciljevi i zadaci**
 - Član 5
- IV **ČLANSTVO**
 - Članovi Unije**
 - Član 6
 - Uslovi za članstvo**
 - Član 7
 - Prava i obaveze članova**
 - Član 8
 - Istupanje i prestanak članstva, raspuštanje udruženja i saveza članova, gubitak članskog statusa**
 - Član 9
- V **POČASNE TITULE, POČASNI PREDSJEDNIK I POČASNI ČLANOVI**
 - Član 10
- VI **TIJELA**
 - Član 11
- VII **SKUPŠTINA UNIJE**
 - Član 12
 - Članovi Skupštine**
 - Član 13
 - Delegati na Skupštini**
 - Član 14
 - Nadležnost Skupštine**
 - Član 15
 - Sazivanje, predlaganje članova, kandidature**
 - Član 16
 - Vanredna Skupština Unije**
 - Član 17
 - Rukovođenje Skupštinom**
 - Član 18
 - Izbori i glasanje**
 - Član 19
 - Donošenje odluka**
 - Član 20
 - Zapisnik**
 - Član 21
- VIII **UPRAVNI ODBOR**
 - Struktura, sastav**
 - Član 22
 - Član 23

- Uslovi za status člana Upravnog odbora**
Član 24
- Mandat i zamjena članova Upravnog odbora**
Član 25
- Nadležnost Upravnog odbora**
Član 26
- Kalendar sjednica, dnevni red**
Član 27
- Kvorum**
Član 28
- Donošenje odluka**
Član 29
- Predsjednik Unije**
Član 30

- IX NADZORNI ODBOR**
Član 31
Član 32
Član 33
Član 34
Član 35
Raspolaganje sredstvima Unije
Član 36
Javnost rada
Član 37
Član 38
Postupak donošenja Statuta i drugih općih akata
Član 39
Član 40
Suspenzija i isključenje
Član 41

- X DISCIPLINSKA KOMISIJA**
Član 42

- XI KOMISIJE**
Član 43
Struktura komisije
Član 44
Sjednice, odluke i druge odredbe
Član 45
Uslovi za status člana tijela i organa Unije
Član 46

- XII SEKRETARIJAT (STRUČNE SLUŽBE UNIJE)**
Član 47
Član 48
Član 49
Generalni sekretar Unije i dva zamjenika generalnog sekretara
Član 50

- XIII RAČUNOVODSTVO**
Fiskalna godina, budžet
Član 51
Revizija računovodstva
Član 52

- XIV **FINANSIRANJE UNIJE**
Član 53
Član 54
- XV **TAKMIČENJA**
Takmičenja na nivou BiH
Član 55
Član 56
Druga takmičenja
Član 57
Pravila takmičenja
Član 58
Zabrana udruživanja ili saveza
Član 59
- XVI **DISCIPLINSKA PRAVILA**
Član 60
Disciplinske mjere
Član 61
Član 62
- XVII **SPOROVI**
Arbitražni sud
Član 63
Član 64
Član 65
- XVIII **ZAVRŠNE ODREDBE**
Važeći zakoni i teritorijalna nadležnost
Član 66
Materija koja nije obuhvaćena Statutom
Član 67
Raspuštanje Unije
Član 68
Primjena
Član 69
Član 70

Na osnovu Zakona o udruženjima i fondacijama Bosne i Hercegovine (Službeni glasnik BiH broj 32/01), Statuta FIDE, Statuta ECU, te Odluke o osnivanju Šahovske unije Bosne i Hercegovine broj: 04/SŠU/04 od 28.8.2004. Osnivačka Skupština Unije Unije Šahovske unije Bosne i Hercegovine, na sjednici održanoj 28. 08. 2004. godine, usvojila je:

STATUT ŠAHOVSKE UNIJE BOSNE I HERCEGOVINE

I. DEFINICIJA TERMINA

- FIDE: Federation Internationale des Echecs (Međunarodni šahovski savez)
- ECU: European Chess Union (Evropska šahovska unija)
- MCA: Mediterian Chess Association (Mediteranski šahovski savez)
- Unija: Šahovska unija Bosne i Hercegovine koja se sastoji od tri Šahovska saveza:
 - iz Federacije Bosne i Hercegovine
 - Šahovski savez Federacije Bosne i Hercegovine
 - Šahovski savez Herceg Bosne
 - iz Republike Srpske
 - Šahovski savez Republike Srpske
- Savezi: Tri šahovska saveza, organizovana na nivou dva entiteta i službeno priznata kao članovi Šahovske unije Bosne i Hercegovine, odnosno Šahovski savez Federacije Bosne i Hercegovine, Šahovski savez Republike Srpske i Šahovski savez Herceg Bosne.
- Kantonalni-Područni/Regionalni šahovski savezi:
 - Šahovske organizacije definisane u skladu sa pravnom strukturom Federacije Bosne i Hercegovine i Republike Srpske i učlanjene u saveze osnivače Unije.

II. OPŠTE ODREDBE

Pravni status

Član 1

1. Šahovska unija Bosne i Hercegovine (u daljem tekstu: Unija) je sportsko udruženje, u koje su ravnopravno udruženi Šahovski savez Federacije Bosne i Hercegovine, Šahovski savez Republike Srpske i Šahovski savez Herceg Bosne (u daljem tekstu: članovi Unije).
2. Unija je nevladino, nestranačko, nezavisno sportsko udruženje, koje je osnovano udruživanjem tri šahovska saveza, u cilju unapređenja i razvoja šaha u Bosni i Hercegovini.
3. Unija je po svom karakteru, organizaciji i ciljevima, samostalna šahovski savez na nivou BiH, sa zadatkom da organizuje i unapređuje šahovski sport u BiH, u skladu sa ovim Statutom, odlukama Skupštine i Upravnog odbora Unije, kao i statutima FIDE i ECU.

Član 2

Ovim Statutom, a u skladu sa Zakonom, uređuju se slijedeće odredbe: naziv i sjedište, skraćeni naziv, adresa, ciljevi udruživanja, prava i obaveze uduženih članova, organi udruženja, javnost rada, zastupanje, rješavanje sporova, prestanak rada i raspolaganje imovinom, izvori financiranja, izmjene i dopune Statuta i druga pitanja.

III. NAZIV, SJEDIŠTE I OBILJEŽJA**Član 3**

1. Naziv sportskog udruženja je: Šahovska unija Bosne i Hercegovine (skraćeno: ŠU BiH).
2. Sjedište Unije je u Sarajevu, Ulica Titova 9a/1, sa Uredima u Banjoj Luci Ulica Miće Rakića 1 i Mostaru Ulica Kralja Zvonimira 18a.
3. Unija ima svoj znak, a to je: šahovski simboli: u sredini kralj, s desne strane skakač a s lijeve strane top.
4. Unija ima pečat i štambilj. Pečat je okruglog oblika sa natpisom u naokolo: Šahovska unija Bosne i Hercegovine Sarajevo, a u sredini šahovski simboli kao na znaku. Natpis je latinicom i ćirilicom. Veličina pečata je prečnik 30 mm. Štambilj je pravougaonog oblika sa natpisom u gornjem dijelu Šahovska unija BiH, a ispod toga broj akta _____ datum otpreme-prijema _____.

Član 4

1. Unija ima svojstvo pravnog lica, sa pravima i obavezama utvrđenim zakonom i ovim Statutom.
2. Unija se upisuje u registar nadležnog Ministarstva BiH, u skladu sa Pravilnikom o registraciji udruženja građana i fondacija Bosne i Hercegovine.
3. Unija za preuzete obaveze odgovara sopstvenom imovinom (potpuna odgovornost).
4. Unija ima svoj žiro-račun.
5. Unija je udružena u međunarodne sportske organizacije: FIDE, ECU I MCA.
6. Unija se udružuje u sportske saveze na nivou BiH
7. Unija je obavezna da poštuje Statut, pravilnike i odluke FIDE, ECU, kao i da se pridržava Pravilnika šahovske igre, koji je donio IFAB.

Ciljevi i zadaci**Član 5**

Ciljevi Unije su slijedeći:

- razvoj, unapređenje i popularizacija šaha u BiH
- unapređenje organizacije rada, takmičenja i koordinacije šahista u BiH
- definiranje opštih organizacionih i administrativnih principa za šah u BiH
- osiguranje optimalnih uslova i finansijskih sredstava za sistem takmičenja na državnom nivou u BiH (Premijer liga, pojedinačna prvenstva seniora, juniora, kadeta i žena) te za međunarodna takmičenja (Olimpijada, svjetska i evropska pojedinačna i ekipna prvenstva), kao i za sva ostala takmičenja koja su u interesu Unije.
- poštovanje prava i interesa svojih članova i rješavanje sporove među njima
- unapređuje šah u duhu mira i «Fair Play-«, bez diskriminacija po političkom, spolnom, vjerskom i rasnom principu
- razvoj šaha među mladima kroz stručne šahovske škole i kampove, pod stručnim nadzorom afirmiranih trenera – šahovskih pedagoga
- stvaranje novih rukovodnih i stručnih kadrova usavršavanjem na seminarima i savjetovanjima na nivou Unije
- komunikacija Unije sa FIDE i ECU te sa federacijama pojedinih država
- utvrđivanje rejtinga igrača te ostali administrativni poslovi oko utvrđivanja rejtinga
- rješavanje statusa vrhunskih igrača i stipendiranje mladih talentiranih igrača (što će biti regulirano Pravilnikom)
- izvršavanje i drugih zadataka utvrđenih zakonom, Statutom i drugim općim aktima Unije

IV ČLANSTVO

Članovi Unije

Član 6

1. Uniju osnivaju i njeni su članovi:
 - a) Šahovski savezi iz Federacije BiH:
 - Šahovski savez Federacije Bosne i Hercegovine Sarajevo, Ulica M. Tita 9a.
 - Šahovski savez Herceg-Bosne Mostar, Ul. Kralja Zvonimira 18a.
 - b) Šahovski savez Republike Srpske Banja Luka, Ulica Milana Rakića 1
2. Teritorijalna baza ova tri saveza, osnivača Unije odgovara entitetima, onako kako je definisano u Daytonskim sporazumu i Ustavom Bosne i Hercegovine.
3. Članovi Unije mogu biti i udruženja pojedinaca (treneri, sudije i dr.), ukoliko ispunjavaju uslove iz ovog Statuta.

Uslovi za članstvo

Član 7

1. U članstvo Unije Skupština unije može primiti i druge saveze, udruženja klubova i udruženja koja okupljaju pojedince.
2. Kandidati za prijem u članstvo podnose pismeni zahtjev Skupštini.
3. Zahtjev sadrži i izjavu u kojoj podnosilac zahtjeva prihvata slijedeće:
 - a) da se pridržava Statuta, propisa i odluka FIDE, ECU-a i ŠU BiH;
 - b) da se pridržava Pravila šahovske igre.
4. Kandidati koji podnose zahtjev za prijem u članstvo trebaju priložiti dosje sa detaljima o njihovoj organizaciji (broj klubova, igrača, sudija, trenera, imovina, organi i dr.)
5. Kandidati koji podnose zahtjev za prijem u članstvo trebaju priložiti kopiju Statuta, odluku o konstituisanju i dokaz o registraciji od strane nadležnog državnog organa.
6. Udruženja pojedinaca (sudaca, trenera, slijepih šahista, problemista, dopisnih šahista,...) moraju svoju aktivnost organizovati na cijeloj teritoriji BiH.

Prava i obaveze članova

Član 8

1. Članovi imaju prava koja su im zajamčena Statutom, pravilnicima i odlukama Unije.
2. Članovi se obavezuju da će usko surađivati sa Unijom, u cilju razvoja i unapređenja šaha na svim nivoima, kao i na organizaciji takmičenja na nivou BiH. Unija organizuje najmanje jedno prvenstvo i jedan kup na nivou BiH, te podstiče i druga takmičenja.
3. Članovi imaju prava i obaveze da vrše registraciju i evidenciju igrača, stručnih kadrova, šahovskih klubova i objekata, koji djeluju i nalaze se na području saveza, u skladu sa propisima i pravilima ŠU BiH. Navedena prava i obaveze savezi mogu ustupiti u nadležnost kantonalnim/regionalnim i područnim savezima.
4. Članovi moraju poštovati principe lojalnosti, integriteta, sportskog duha i Fair Play-a. Njihovi statuti moraju sadržavati takve obaveze. Članovi Unije garantiraju da ih njihovi klubovi, igrači, članovi i službeni predstavnici poštuju, kao i da se pridržavaju Statuta FIDE i ECU.
5. Članovi se obavezuju da će izbjeći svaku diskriminaciju po političkom, spolnom, vjerskom ili rasnom osnovu. Radi toga, oni se obavezuju da će izbjegavati formiranje ili podsticanje interesnih grupa koje bi negativno djelovale na jedinstvenost šaha u BiH.
6. Članovi se obavezuju da će poštovati i unapređivati interes i cjelovitost Unije.

7. Članovi su obavezni poštovati Statut, pravilnike i odluke Unije, kao i Pravilnik šahovske igre, koji je donijela FIDE. Obavezni su da tu odredbu uključuje u svoje Statute.
8. Članovi moraju osigurati da se izvršno tijelo njihove asocijacije bira putem slobodnih izbora. Ta odredba mora stajati u njihovim Statutima.
9. U protivnom, Unija može odbiti da prizna takvo tijelo; ovo pravilo vrijedi i u slučaju da je to tijelo imenovano samo privremeno, radi poslovnog rukovođenja.
10. Članovi mogu biti disciplinski kažnjeni kada ne ispunjavaju svoje dužnosti prema Uniji.
11. Statuti članova sadrže odredbu da je svaki klub koji je član asocijacije u poziciji da donosi vlastite odluke po svim pitanjima vezanim za svoje članstvo, i to neovisno od bilo kojeg vanjskog dijela. Posebno, svaki savez mora uputiti svoje klubove da se pridržavaju te obaveze, neovisno o korporativnoj strukturi koju klub izabere. Nadalje, savez, koja omogućiti svom klubu da pripada vanjskoj komercijalnoj kompaniji, odredit će da istoj kompaniji (uključujući i holding kompanije i njihove podružnice) ne može pripadati više od jednog kluba učlanjenog u Uniju.
12. Nije dopušteno da članovi održavaju kontakte sa šahovskim savezima učlanjenim u FIDE i ECU, bez odobrenja od strane Unije.

Istupanje i prestanak članstva, raspuštanje saveza članova i udruženja pojedinaca članova, gubitak članskog statusa

Član 9

1. Član Unije može istupiti iz članstva Unije na kraju fiskalne godine, pod uslovom da o tome obavijesti Skupštinu, putem Upravnog odbora Unije, šest mjeseci unaprijed. O istupanju iz članstva, obavještava se Upravni odbor Unije i nadležni organ FIDE i ECU.
2. U slučaju raspuštanja člana, njegov članski status i prava istovremeno prestaju.
3. Član može biti isključen iz Unije u slučaju da
 - a) teško i ponovljeno prekrši Statut, pravilnike i odluke Unije;
 - b) ugrožava interese i jedinstvo Unije;
 - c) izgubi svojstva na bazi kojih je dobio članski status.
4. Odluku o prestanku članstva donosi Skupština Unije Unije u skladu sa odredbama člana 20. stav 1. tačka h) ovog Statuta.
5. Član mora ispuniti sve svoje financijske obaveze prema Uniji prije nego što izgubi članski status.
6. Istupanjem iz članstva jednog od članova osnivača Unije (ŠS FBiH, ŠS RS, ŠS HB) prestaju aktivnosti Šahovske unije Bosne i Hercegovine kao članice FIDE i ECU.

V POČASNE TITULE, POČASNI PREDSJEDNIK I POČASNI ČLANOVI

Član 10

1. Na prijedlog Upravnog odbora, Skupština Unije može dodijeliti titule počasnog nacionalnog šahovskog majstora, status počasnog predsjednika ili počasnog člana. Taj status dodjeljuje se za posebne zasluge u šahu.
2. Počasni predsjednici i počasni članovi mogu prisustvovati Skupštini u savjetodavnom svojstvu, ali nemaju pravo glasa.

VI TIJELA**Član 11**

1. Tijela Unije su:
 - a) Skupština Unije Unije;
 - b) Upravni odbor;
 - c) Nadzorni odbor;
 - d) Disciplinska komisija;
 - e) Arbitražni sud.

VII SKUPŠTINA**Član 12**

1. Skupština je najviši organ upravljanja i odlučivanja u Uniji.
2. Skupština nije može zasjedati kao redovna ili vanredna.
3. Redovna Skupština zasjeda jednom godišnje, najkasnije u roku od tri mjeseca po isteku fiskalne godine.

Članovi Skupštine**Član 13**

1. Skupštinu Unije čini po 1/3 delegata delegiranih ispred ŠS FBiH, ŠS RS i ŠS HB i to:
 - a) 10 delegata ispred ŠS FBiH izabranih na Skupštini ŠS FBiH;
 - b) 10 delegata ispred ŠS RS izabranih na Skupštini ŠS RS.
 - c) 10 delegata ispred ŠS HB izabranih na Skupštini ŠS HB.
2. Predsjednik i dva potpredsjednika Unije su članovi Skupštine.
3. Skupštine članova Unije (ŠS FBiH, ŠS RS i ŠS HB) će imenovati i po 10 zamjenskih delegata koji će, u slučaju trajne spriječenosti delegata, iz stava 1. ovog člana, da obavljaju svoju funkciju istu obavljati do isteka trajanja mandata delegata iz stava 1. ovog člana.
4. Skupštini mogu prisustovati počasni predsjednici i počasni članovi, bez prava glasanja.
5. Ukoliko neki delegat ne dođe na sjednicu Skupštine, njega ne može zamijeniti neki drugi delegat.

Delegati na Skupštini**Član 14**

1. Svaka savez (ŠS FBiH, ŠS RS i ŠS HB) dostavlja Upravnom odboru listu svojih delegata koji su pravovaljano i slobodno izabrani na njenoj Skupštini. Delegati se biraju barem šest sedmica prije sjednice Skupštine Unije.
2. Mandat delegata traje 4 godine.
3. Skupština zasjeda pravovaljano i ima kvorum ako je prisutno 2/3 članova koji imaju pravo glasa iz iz ŠS FBiH, ŠS RS i ŠS HB (najmanje po 6 delegata iz svakog saveza).
4. U slučaju da nije postignut kvorum u skladu sa stavom 3. ovog člana Skupština Unije Unije zasjeda po istom dnevnom redu, u roku od najmanje 15 dana od prvobitno zakazane sjednice. I u drugom sazivu Skupština Unije Unije zasjeda pravovaljano i ima kvorum

ukoliko je prisutna 2/3 većina delegata (po 6 iz svakog saveza). Generalni sekretar mora iznova pismenim putem pozvati delegate Skupštine.

Nadležnost skupštine

Član 15

1. Skupština Unije ima slijedeće nadležnosti:
 - a) usvaja dnevni red;
 - b) bira tri delegata (po jedan iz ŠS FBiH, ŠS RS i ŠS HB), kao ovjerivače zapisnika;
 - c) usvaja Poslovnik o radu Skupštine, kao i izmjene i dopune Poslovnika;
 - d) bira i razrješava predsjednika i dva potpredsjednika Skupštine.
 - e) bira i razrješava predsjednika, potpredsjednike i članove Arbitražnog suda, Disciplinske komisije, kao i njihove zamjenike;
 - f) verifikuje delegate Skupštine i članove Upravnog odbora Unije i članove Nadzornog odbora Unije;
 - g) bira i razrješava predsjednika i dva potpredsjednika Upravnog odbora Unije
 - h) bira i razrješava predsjednika Nadzornog odbora Unije
 - i) usvaja plan prihoda i rashoda Unije za tekuću godinu;
 - j) razmatra i usvaja izvještaj o finansijskom poslovanju Unije, zajedno sa izvještajem Nadzornog odbora Unije;
 - k) donosi odluke o udruživanju u sportske asocijacije na nivou BiH
 - l) usvaja Disciplinski pravilnik;
 - m) usvaja poslovnik o radu Arbitražnog suda, Disciplinske komisije;
 - n) razmatra i usvaja izvještaj o radu Upravnog odbora, Arbitražnog suda i Disciplinske komisije.
 - o) razmatra i usvaja programe i planove za sve vrste takmičenja na nivou Unije, na međunarodnom nivou, a sve na prijedlog Upravnog odbora Unije;
 - p) usvaja zapisnik sa prethodno održane sjednice Skupštine;
 - q) bira po potrebi radna tijela Skupštine (Odbor za glasanje, Komisija za verifikaciju);
 - r) dodjeljuje titule nacionalnog šahovskog majstora i počasnog nacionalnog šahovskog majstora;
 - s) dodjeljuje status počasnog predsjednika i počasno članstvo;
 - t) razmatra i donosi odluke po drugim pitanjima, koja ovim statutom nisu dana drugom organu, a spadaju u djelokrug Unije i to na prijedlog Upravnog odbora Unije.
 - u) donosi Statut, izmjene i dopune Statuta i drugih akata iz svoje nadležnosti
 - v) odlučuje o pripajanju, razdvajanju, transformaciji, raspuštanju i prestanku rada Unije
2. Na početku svake sjednice Skupštini se obraća predsjednik Upravnog odbora, odnosno predsjednik unije.
3. Sve potrebne materijale, po pitanjima koja su u nadležnosti Skupštine Unije, priprema Upravni odbor Unije, preko tijela i stručnih službi Unije.

Sazivanje, predlaganje članova, kandidature

Član 16

1. Odluku o sazivanju redovne sjednice Skupštine Unije donosi Upravni odbor na svoju inicijativu, ili na inicijativu jednog od saveza, odnosno na zahtjev 1/3 članova Skupštine Unije. Upravni odbor Unije utvrđuju dnevni red sjednice.
2. *Poziv za održavanje sjednice Skupštine treba da sadrži prijedlog dnevnog reda, vrijeme i mjesto održavanja sjednice Skupštine Unije.*

3. Članovi Skupštine Unije, odnosno savezi, mogu dostaviti prijedlog za izmjenu dnevnog reda najkasnije 15 dana prije održavanja Skupštine. Prijedlozi za izmjenu i dopunu dnevnog reda sa obrazloženjem i eventualnim pisanim materijalima, dostavljaju se generalnom sekretaru Skupštine, koji je dužan sa istima upoznati Upravni odbor Unije.
4. Prijedlozi kandidata za predsjednika i dva potpredsjednika moraju biti pismenim putem dostavljeni najkasnije 30 dana prije održavanja sjednice Skupštine Upravnom odboru Unije.
5. Skupština Unije Unije raspravlja i usvaja dnevni red po vremenu, odnosno prioritetu dostavljanja, što znači da ako je prethodni prijedlog dobio većinu, o narednim prijedlozima se ne odlučuje.
6. Izabrani delegati za članove Skupštine ŠU BiH, u smislu prethodnih stavova, moraju biti verifikovani na prvoj sjednici skupštine ŠU BiH.

Vanredna Skupština Unije

Član 17

1. Vanrednu sjednicu Skupštine Unije saziva Upravni odbor Unije, na pismeni zahtjev jednog saveza, odnosno na zahtjev 1/3 delegata Skupštine Unije. Zahtjev mora sadržavati teme za dnevni red i kratko obrazloženje zahtjeva. On se mora uputiti Generalnom sekretaru Unije.
2. Ako se pravovaljano zatraži sazivanje vanredne Skupštine Unije, ona se mora održati u roku od najviše jednog mjeseca. Poziv za Skupštinu Unije i njen dnevni red Generalni sekretar Unije mora dostaviti pismenim putem članovima Unije i delegatima Skupštine Unije u roku od dvije sedmice.
3. Dnevni red vanredne Skupštine Unije ne može se mijenjati.

Rukovođenje Skupštinom

Član 18

Redovnom ili vanrednom Skupštinom rukovodi predsjednik. U slučaju odsutnosti predsjednika, Skupštinom predsjedava prvi potpredsjednik, a u slučaju njegove odsutnosti, drugi potpredsjednik. Ukoliko su predsjednik i oba potpredsjednika spriječeni da prisustvuju Skupštini, Skupštinom predsjedava član Upravnog odbora sa najdužim stažom u tom organu.

Izbori i glasanje

Član 19

1. Izbori se vrše tajnim glasanjem za predsjednika i dva potpredsjednika.
2. Druge odluke donose se aklamacijom sve dok Skupština ne odluči drugačije.
3. Nije dopušteno davanje punomoći za glasanje.
4. Da bi bio izabran u prvom krugu glasanja, kandidat mora dobiti prostu većinu izraženih glasova. U drugom krugu glasanja, u kojem učestvuju tri kandidata sa najvećim brojem glasova osvojenim u prvom krugu, kandidat mora dobiti najveći broj glasova.
5. Uzdržani glasovi, nevažeći listići, ili drugi neprihvatljivi načini glasanja, neće se uzeti u obzir.

Donošenje odluka

Član 20

1. Skupština donosi sve odluke 2/3 većinom, a ta većina uključuje najmanje 2/3 glasova delegata iz svakog saveza, što podrazumjeva i sljedeća pitanja:

- a) donošenje Statuta Unije;
 - b) izmjene i dopune Statuta;
 - c) Poslovnik o radu Skupštine;
 - d) usvajanje dnevnog reda Skupštine Unije;
 - e) izbori rukovodnih funkcija Unije;
 - f) donošenje budžeta Unije i usvajanje financijskog izvještaja o poslovanju Unije;
 - g) isključenje, odnosno istupanje člana Unije;
 - h) druga pitanja, o kojima odluči Skupština.
2. Kada Skupština zasjeda u novom sazivu, prema članu 14. stav 4. ovog Statuta, odluke se donose ponovno 2/3 većinom, a ta većina uključuje i najmanje 2/3 glasova delegata iz svakog saveza.
 3. Odluke donesene na Skupštini sprovode se odmah, osim ako Skupština ne odluči drugačije.

Zapisnik

Član 21

1. Generalni sekretar odgovoran je za vođenje zapisnika na sjednici Skupštine.
2. Zapisnik sa održane sjednice Skupštine potpisuju ovjerivači zapisnika, u roku od dvije sedmice od sjednice skupštine. Zapisnik se potom dostavlja članovima Upravnog odbora Unije, u roku od mjesec dana od sjednice Skupštine. Zapisnik se usvaja na narednoj sjednici Skupštine.

VIII UPRAVNI ODBOR

Struktura, sastav

Član 22

1. Upravni odbor je izvršno tijelo Unije.
2. Upravni odbor sastoji se od 9 članova izabranih na Skupštini, među kojima su predsjednik i dva potpredsjednika. U Upravni odbor se biraju predstavnici ŠS FBiH, ŠS RS i ŠS HB i to tako da svaki savez bude zastupljen sa po tri člana Upravnog odbora.
3. Svaki kandidat za člana Upravnog odbora potvrđuje volju za prihvatanje funkcije člana ovog tijela Unije.
4. Generalni sekretar prisustvuje sjednicama Upravnog odbora.
5. Mandat predsjednika, prvog i drugog potpredsjednika Upravnog odbora traje četiri godine. Oni su članovi Skupštine, a po funkciji su: predsjednik i potpredsjednici Unije.
6. Za vrijeme mandata, predsjednik i potpredsjednici rotiraju se svakih 16 mjeseci.

Član 23

Unija garantuje da će odnos između članova Upravnog odbora ostati isti, odnosno 1/3 članova iz ŠS FBiH, 1/3 članova iz ŠS RS i 1/3 članova iz ŠS HB.

USLOVI ZA STATUS ČLANA Upravnog odbora

Član 24

Svaki član Upravnog odbora mora biti članom jednog od šahovskih saveza. U slučaju prestanka članstva u šahovskom savezu koji ga je kandidovao za člana Upravnog odbora tom članu automatski prestaje i funkcija člana Upravnog odbora.

Mandat i zamjena članova Upravnog odbora**Član 25**

1. Trajanje mandata članova Upravnog odbora je četiri godine.
2. Svaki član Upravnog odbora može biti ponovno izabran.
3. Ako je član Upravnog odbora trajno spriječen u obavljanju funkcije, biće zamijenjen putem pravovaljanih i slobodnih izbora na sjednici slijedeće redovne Skupštine njegove asocijacije za preostalo trajanje mandata.
4. U slučaju spriječenosti predsjednika, ulogu vršioca dužnosti predsjednika preuzima prvi potpredsjednik, dok predsjednik ne bude zamijenjen u skladu sa stavom 3. ovog člana. U slučaju spriječenosti prvog potpredsjednika preuzima drugi potpredsjednik, dok prvi potpredsjednik ne bude zamijenjen u skladu sa stavom 3. ovog člana.

Nadležnost Upravnog odbora**Član 26**

1. Upravni odbor je nadležan da:
 - a) donosi smjernice za rad Unije i članova Unije (ŠS FBiH, ŠS RS i ŠS HB) u svim aspektima šaha;
 - b) donosi odgovarajuće odluke i smjernice vezano za međunarodne obaveze saveza na međunarodnom planu, za koje ga ovlasti Skupština;
 - c) bira predstavnika Bosne i Hercegovine u FIDE i ECU
 - d) donosi Poslovnik o radu stalnih i ad hoc komisija Unije;
 - e) utvrđuje prijedloge programa razvoja i unapređenja šaha na nivou BiH i u skladu s tim daje uputstva savezima;
 - f) utvrđuje prijedlog finansijskog plana Unije i priprema materijale za završni račun i za obračun prihoda i rashoda;
 - g) donosi kalendar takmičenja na nivou BiH;
 - h) donosi sve pravilnike i poslovnike, osim onih čije je donošenje u nadležnosti Skupštine;
 - i) donosi propozicije za organizaciju takmičenja na nivou Unije;
 - j) imenuje i razrješava stručna lica reprezentacija Unije;
 - k) obrazuje i raspušta stalne i privremene komisije;
 - l) imenuje predsjednike, potpredsjednike i članove stalnih i povremenih komisija iz svoje nadležnosti;
 - m) razmatra i usvaja izvještaje stalnih i ad hoc komisija i Sekretarijata Unije;
 - n) predlaže Skupštini kandidate za titulu nacionalnog šahovskog majstora i počasnog nacionalnog šahovskog majstora, te kandidate za status počasnog predsjednika i status počasnih članova;
 - o) imenuje Generalnog sekretara i dva zamjenika Generalnog sekretara;
 - p) utvrđuje uslove za imenovanje Generalnog sekretara i njegovih zamjenika, njihove nadležnosti i ovlaštenja;
 - q) nadzire Sekretarijat;
 - r) donosi Pravilnik o sistematizaciji i djelokrugu rada Sekretarijata unije.

Kalendar sjednica, dnevni red

Član 27

1. Upravni odbor sastaje se u pravilu jednom mjesečno. Sjednicu saziva i njom predsjedava predsjednik. Na zahtjev 1/3 članova, Predsjednik može sazvati sjednicu Upravnog odbora u roku od deset dana.
2. Članovi Upravnog odbora mogu dostaviti Generalnom sekretaru teme za dnevni red najmanje 10 dana prije održavanja sjednice.
3. Dnevni red dostavlja se članovima Upravnog odbora najmanje 7 dana prije sjednice, od strane Generalnog sekretara.

Kvorum

Član 28

1. Upravni odbor ima kvorum kada sjednici prisustvuje 2/3 članova iz svakog saveza.
2. U slučaju da Upravni odbor nema kvorum, utvrđen u stavu 1 ovog člana, naredna sjednica zakazuje se u roku od 8 dana, sa istim dnevnim redom.
3. I na ponovljenoj sjednici, Upravni odbor ima kvorum kada sjednici prisustvuje 2/3 članova iz svakog saveza.

Donošenje odluka

Član 29

1. Upravni odbor donosi pravosnažne odluke kada glasa po 2/3 članova iz svakog saveza.
2. I na ponovljenoj sjednici, odluke se donose glasanjem 2/3 članova iz svakog saveza.
3. Upravni odbor donosi odluke samo o onim temama koje su pravovaljano stavljene na dnevni red.
4. Odluke Upravnog odbora provode se odmah, osim ako Upravni odbor ne odluči drugačije.

Predsjednik Unije

Član 30

1. Predsjednik Upravnog odbora je ujedno i Predsjednik Unije.
2. Predsjednik i dva podpredsjednika Upravnog odbora predstavljaju i zastupaju Uniju.
3. Za Ugovore koji stvaraju financijske obveze Unije potreban je potpis predsjednika i dva potpredsjednika.

IX NADZORNI ODBOR

Član 31

- Nadzorni odbor kontrolira rad Skupštine, Upravnog odbora i generalnog sekretara Unije i to:
- uskladenost odluka i drugih akata sa Zakonom i Statutom Unije

- sprovođenje odluka i drugih akata
- finansijsko poslovanje Unije.

Nadzorni odbor donosi i poslovnik o svom radu.

Član 32

Nadzorni odbor Unije ima 3 člana i to:

- 1 član koga predlaže Šahovski savez FBiH
- 1 član koga predlaže Šahovski savez RS
- 1 član koga predlaže Šahovski savez H-B.

Član 33

Mandat predsjednika Nadzornog odbora traje 16 mjeseci uz utvrđenu rotaciju sva tri saveza osnivača Unije.

Mandat članova Nadzornog odbora traje 4 godine.

Član 34

Nadzorni odbor Unije odluke donosi koncenzusom.

Poslovnikom o radu Nadzornog odbora Unije bliže se uređuje postupak sazivanja i načina rada sjednice tog odbora, donošenje odluka i drugih akata te druga pitanja značajna za njegov rad.

Član 35

Predsjednik Skupštine Unije, Predsjednik Upravnog odbora i predstavnik Unije u FIDE i ECU tijekom istog mandatnog razdoblja moraju biti imenovani iz tri saveza osnivača Unije.

Raspolaganje sredstvima Unije

Član 36

Sredstvima Unije raspolaže Upravni odbor Unije u skladu sa Financijskim planom Unije.

Naredbodavci za izvršenje Financijskog plana su:

- predsjednik Upravnog odbora Unije i
- dva podpredsjednika Upravnog odbora Unije.

Javnost rada

Član 37

Sve sjednice organa Unije su javne.

Član 38

Predsjednici organa Unije i generalni sekretar obavezni su javnost informisati o radu Unije, pravodobno, redovito, na jednostavan i efikasan način uz osobnu odgovornost za točnost i pravodobnost informacije.

Postupak donošenja Statuta i drugih općih akata**Član 39**

Statut i druge opće akte donosi Skupština na prijedlog Upravnog odbora. Incijativu za donošenje izmjena i dopuna Statuta i drugih općih akata mogu podnijeti:

- Upravni odbor
- Nadzorni odbor
- član Skupštine
- Osnivač Unije /jedan od osnivača /.

Član 40

Donošenje Statuta, izmjeni ili dopuni Statuta predhodi javna rasprava o nacrtu Statuta, koja ne može trajati manje od 30 dana.

Suspenzija i isključenje**Član 41**

1. Upravni odbor može suspendovati jednog od svojih članova ili člana Disciplinske komisije do održavanja sljedeće Skupštine, ako se dokaže da je kriv za teške propuste u obavljanju svojih zadaća ili da je neispravno postupao. Konačnu odluku donosi Skupština.
2. Upravni odbor može suspendovati ili isključiti iz funkcija članove komisija, te im imenovati zamjenu za preostalo trajanje mandata.
3. Odluke o suspenziji i isključenju mogu se donijeti ako ih podrži većina koja se sastoji od 2/3 članova Upravnog odbora, odnosno od 2/3 članova Skupštine iz svakog saveza. Članovi na koje se odluka odnosi imaju pravo učestvovati u raspravi, ali nemaju pravo glasa.

X DISCIPLINSKA KOMISIJA**Član 42**

1. Unija ima Disciplinsku komisiju koja se sastoji od šest članova, od kojih su dva iz ŠS FBiH, dva iz ŠS RS i dva iz ŠS HB. Članovi Komisije imaju svoje zamjenike.
2. Disciplinsku komisiju bira Skupština na mandat u trajanju od 4 godine.
3. Disciplinska komisija ima predsjednika i dva potpredsjednika koji se biraju iz različitih šahovskih saveza. Funkcije predsjednika i dva potpredsjednika obavljaju se po sistemu rotacije u trajanju 16 mjeseci.
4. Kvorum potreban za rad Disciplinske komisije čine 4 člana, s tim št svaki savez mora biti predstavljen sa najmanje jednim članom Komisije. Odluka je punovažna ako je za nju glasalo najmanje 4 člana Komisije od kojih svaki savez mora biti zastupljen sa najmanje 1 članom Komisije.
5. Članovi Disciplinske komisije ne mogu istovremeno biti članovi Upravnog odbora ili bilo koje stalne ili da hoc komisije.
6. Nadležnost i način rada, kao i druge odredbe u radu Disciplinske komisije definišaće se poslovníkom o radu Disciplinske komisije.

XI KOMISIJE**Član 43**

1. Stalne komisije su:
 - a) Stručna komisija
 - b) Komisija za takmičenje
 - c) Odbor šahovskih sudaca
 - d) Komisija za ženski šah
 - e) Komisija za kadetski i juniorski šah i škole šaha za mlade
 - f) Komisija za marketing
 - g) Komisija za status igrača
 - h) Komisija za propise
2. Upravni odbor može po potrebi osnivati nove stalne ili ad hoc komisije radi rješavanja posebnih pitanja.
3. Svaka komisija ograničena je na najviše šest članova uključujući predsjednika i dva potpredsjednika.
4. Funkcije predsjednika i dva potpredsjednika komisija se obavljaju po principu rotacije u trajanju od 16 mjeseci.
5. Predsjednik i dva potpredsjednika moraju biti iz različitih saveza uz rotaciju svakih 16 mjeseci.
6. Kvorum je postignut kada su prisutna 4 člana komisije od kojih najmanje 1 iz svakog saveza.
7. U ponovljenoj sjednici, koja se treba održati u roku od osam dana, Komisija ima kvorum proste većine, od čega najmanje jedan član mora biti iz svakog saveza.
8. Komisije, sastavljene od šest članova, donose odluke prostom većinom izraženih glasova, s tim da najmanje jedan od članova komisije mora biti iz svakog saveza.
9. Ukoliko se na prvoj sjednici odluke ne donesu u skladu sa stavom 8. ovog člana, na slijedećoj sjednici, koja se treba održati u roku od osam dana o tim predmetima, za donošenje odluke potrebna su tri glasa, od kojih je jedan iz svakog saveza.
10. Ukoliko se komisija sastoji od tri člana, odluka je punovažna ako za nju glasaju sva tri člana.

Struktura komisije**Član 44**

1. Predsjednika, dva potpredsjednika i članove svake stalne i ad hoc komisije imenuje Upravni odbor na mandat u trajanju od četiri godine, uz mogućnost ponovnog izbora.
2. U osnovi, sastav članova stalnih i ad hoc komisija zadovoljava slijedeće kriterije:
 - a) 1/3 članova iz ŠS FBiH;
 - b) 1/3 članova iz ŠS RS.
 - c) 1/3 članova iz ŠS HB.

Sjednice, odluke i druge odredbe**Član 45**

1. Predsjednik komisije rukovodi radom komisije. Nakon konsultacija sa Generalnim sekretarom, on određuje datume sjednica. Predsjednik je odgovoran da komisija obavlja svoje poslove i da o tome redovno informiše Upravni odbor, te da blagovremeno dostavlja zapisnika sa sjednica.

- Prava, nadležnosti i način rada komisija utvrđuju se poslovnica o radu komisija.

Uslovi za status člana tijela i organa Unije

Član 46

Svaki član tijela Unije i organa Upravnog odbora Unije, mora biti izabrani-imenovani predstavnik jedne od organizacija udruženih saveza. On treba biti osoba mlađa od 75 godina, koja je aktivna u šahu, građanin Bosne i Hercegovine i treba živjeti u zemlji. U slučaju da ti uslovi nisu zadovoljeni, on odmah gubi status člana organa i tijela saveza.

XII SEKRETARIJAT (STRUČNE SLUŽBE UNIJE)

Član 47

Unija je obavezna da za obavljanje svojih svakodnevnih aktivnosti administrativno-financijskog, komercijalno-marketinškog i takmičarskog karaktera svih oblika, kao i poslova za opsluživanje organa, pravnih tijela i komisija, organizuje svoje stručne službe - Sekretarijat Unije.

Član 48

- Bliže odredbe o organizaciji stručnih službi - Sekretarijata Unije, regulišu se Pravilnikom o radu i organizaciji stručnih službi, sa sistematizacijom radnih mjesta i uslovima potrebnih za obavljanje traženih poslova i platama.
- Pravilnik, u smislu prethodnog člana, na prijedlog predsjednika i dva potpredsjednika Upravnog odbora usvaja Upravni odbor Unije.

Član 49

Sekretarijat je odgovoran za administrativna pitanja, kao što su:

- provođenje odluka Upravnog odbora, stalnih i ad hoc komisija;
- vođenje računovodstva Unije;
- pripremanje sjednica Skupštine, Upravnog odbora, stalnih i ad hoc komisija;
- vođenje zapisnika na sjednicama Upravnog odbora, stalnih i ad hoc komisija;
- odnosi sa javnošću, putem Generalnog sekretara, portparola i Upravnog odbora Unije;
- pomoć i podrška članovima Unije.

Generalni sekretar Unije i dva zamjenika generalnog sekretara

Član 50

- Generalni sekretar je administrativni Upravni direktor Sekretarijata. Imenuje ga Upravni odbor i zapošljava u Uniji sa kojom je vezan ugovorom o radu. Njegov mandat je reizboran i traje 16 mjeseci (četiri godine).
- Bliže odredbe o nadležnostima, pravima, obavezama, uslovima za imenovanje i ostalim principima oko njegovog imenovanja i reizbora, utvrđuje Upravni odbor Unije svojom odlukom.
- Prisustvuje sjednicama Skupštine, Upravnog odbora, i drugih organa i tijela, učestvuje u raspravama u savjetodavnom svojstvu. U slučaju njegove spriječenosti, poslove obavljaju njegovi zamjenici.

4. Podnosi Izvršnom odboru izvještaj o poslovanju, šestomjesečnom i godišnjem finansijskom izvještaju Unije.
5. Odgovoran je za obavljanje svih zadataka Sekretarijata.
6. Potpisuje odluke iz djelokruga rada Sekretarijata, s tim što ovlaštenje može prenijeti na drugu osobu.
7. Generalni sekretar ima dva zamjenika, a to su sekretari iz druga dva saveza, koji zajedno sa njim:
 - brinu o provođenju odluka organa Unije
 - osiguravaju izvršavanje stručnih, administrativnih i drugih poslova Unije
 - izvršavaju i druge zadatke utvrđene Statutom i drugim općim aktima Unije
 - Upravni odbor ih imenuje na razdoblje od 4 godine
 - mandat glavnog tajnika traje 16 mjeseci
 - mandat dva zamjenika glavnog tajnika traje 16 mjeseci
 - zamjenici generalnog sekretara zamjenjuju ga u njegovoj odsutnosti, te mu pomažu u obavljanju njegovih zadataka.

XIII RAČUNOVODSTVO

Fiskalna godina, budžet

Član 51

1. Fiskalna godina Unije počinje 1. januara/siječnja i završava 31. decembra/prosinca.
2. Upravni odbor Unije utvrđuje budžetske smjernice Unije, finansijski plan prihoda i rashoda za tekuću godinu, koja razmatra i usvaja Skupština Unije.
3. O vanrednim troškovima koji nisu predviđeni u budžetu odlučuje Upravni odbor Unije, preko dodatnog kreditiranja. O njima se raspravlja prilikom rebalansa budžeta Unije.
4. Naredbodovac za izvršenje plana prihoda i rashoda utvrđenom odlukom o budžetu Unije za tekuću godinu je predsjednik Upravnog odbora Unije i dva podpredsjednika Upravnog odbora Unije.

Revizija računovodstva

Član 52

1. Sektor računovodstva i knjigovodstva obavezan je voditi računovodstvene knjige u skladu sa Zakonom, kao i podnositi finansijske polugodišnje i godišnje izvještaje, koje razmatra i usvaja Skupština Unije.
2. Reviziju računovodstva vrši Nadzorni odbor Unije.
3. O izvršenoj reviziji Nadzorni odbor podnosi izvještaj Skupštini Unije na razmatranje i usvajanje.

XIV FINANSIRANJE UNIJE

Član 53

1. Unija se financira iz slijedećih izvora.
 - a) Potpore izvršne vlasti u Bosni i Hercegovini
 - b) Sponzori
 - c) Prihod od marketinga
 - d) Financijska pomoć

- e) Prihod od obrazovanja stručnih kadrova i igrača
 - f) Kotizacije, članarine i takse članova saveza, klubova, sudija, trenera, igrača i ostalih službenih lica
 - g) Ostali prihodi.
2. Sredstva iz prihoda Unije mogu se koristiti isključivo za razvoj šaha, a u skladu sa ciljevima i zadacima Unije.
3. Iz prihoda Unije financiraju se slijedeće aktivnosti:
- a) troškovi razvoja omladinskog, ženskog i kadetskog šaha
 - b) troškovi reprezentativnih selekcija Unije
 - c) troškovi rada organa i tijela Unije
 - d) troškovi rada Sekretarijata Unije
 - e) troškovi edukacije kadrova
 - f) troškovi korištenja poslovnog prostora
 - g) troškovi usluga (PTT, štampanje, komunalije, kancelarijski materijal i dr.)
 - h) troškovi reklame, poklona, pomoći i dr.

Član 54

Unija je obavezna da organizuje, vodi knjigovodstvo, finansijske i komercijalne poslove u skladu sa računovodstvenim i finansijskim propisima BiH.

XV TAKMIČENJA

Takmičenje na nivou BiH

Član 55

1. Unija je odgovorna za formiranje i ukidanje takmičenja na teritoriji BiH u kojima učestvuju svi klubovi i članovi. Sve njene Odluke po tom pitanju su konačne.
2. Unija može delegirati dio svojih odgovornosti na članove Unije, o čemu odluku donosi
3. Skupština Unije Unije Unije.

Član 56

1. Unija organizuje slijedeća takmičenja:
 - a) Premijer liga BiH za seniore i žene;
 - b) KUP takmičenje-finale na razini BiH;
 - c) Pojedinačno prvenstvo BiH za seniore i žene;
 - d) Ekipna i pojedinačna prvenstva za juniore/juniorke, kadete/kadetkinje;
 - e) Međunarodne turnire ako za to ima interesa;
2. Ostala stalna takmičenja na nivou ŠS FBiH, ŠS RS i ŠS HB su u nadležnosti svakog saveza.

Druga takmičenja

Član 57

1. Svako takmičenje ili turnir organizovan u Bosni i Hercegovini na međunarodnom, državnom ili međuasocijacijskom nivou, podliježe odobrenju od strane Unije.
2. Svako takmičenje ili turnir organiziran u Bosni i Hercegovini na nivou jedne asocijacije podliježe odobrenju od strane dotične asocijacije.

Pravila takmičenja

Član 58

1. Upravni odbor donosi pravila za takmičenje na nivou BiH i za druga takmičenja koja su u njegovoj nadležnosti.
2. Uslov za učestvovanje na takmičenju je da klub prihvata Statut Unije, pravilnike i odluke donesene u skladu sa njima.

Zabrana udruživanja ili saveza

Član 59

1. Članovi Unije i njihovi klubovi ne mogu formirati udruženje ili saveze bez dopuštenja od strane Unije.
2. Kantonalni, regionalni ili područni i opštinski savezi i njihovi klubovi ne mogu formirati udruženje ili saveze bez dopuštenja od strane Unije.
3. Bez izričitog odobrenja, klubovi koji su članovi Unije ne mogu igrati protiv klubova koji nisu učlanjeni u Unija.

XVI DISCIPLINSKA PRAVILA

Član 60

Disciplinske mjere mogu biti izrečene za nesportsko ponašanje, povredu Pravilnika šahovske igre i prekršaj Statuta Unije, pravilnika ili odluka donesenih u skladu sa njima.

Disciplinske mjere

Član 61

1. Članovima Unije mogu biti izrečene disciplinske mjere, u skladu sa Disciplinskim pravilnikom ŠU BiH.
2. Vrste disciplinskih mjera su:
 1. Za pojedince:
 - a) opomena;
 - b) novčana kazna;
 - c) zabrana igranja za određeni period;
 - d) zabrana obavljanja funkcije za određeni period;
 - e) isključenje iz kluba;
 - f) isključenje iz šahovske organizacije.
 2. Za klubove, udruženja i saveze:
 - a) opomena;
 - b) novčana kazna;
 - c) zabrana igranja na određeno vrijeme;
 - d) oduzimanje bodova;
 - e) negativni bodovi;
 - f) vraćanje u niži stepen takmičenja;

g) diskvalifikacija iz takmičenja.

Član 62

1. Za izricanje disciplinskih mjera nadležna je Disciplinska komisija.
2. Disciplinske mjere i direktne mogu biti izrečene istovremeno vezano za pojedini slučaj.

XVII SPOROVI

Arbitražni sud

Član 63

1. U slučajevima kada je odluka nadležnog organa Unije, odnosno njegovih tijela i komisija postala pravomoćna, nezadovoljna strana koja ima pravnog interesa može sporni slučaj iznijeti pred Arbitražni sud i to u roku od 30 dana po prijemu pravomoćne odluke.
2. Postupak pred Arbitražnim sudom pokreće se tužbom radi pobijanja prvostepene, odnosno drugostepene odluke.
3. Ne može se pred Arbitražnim sudom pobijati pravomoćna odluka nadležnog organa u slučajevima kada je nadležni organ donio odluku u disciplinskom postupku i kada su pravomoćne izrečene disciplinske mjere, kao i pravomoćne odluke Takmičarske komisije.
4. Izuzetno od prethodnog stava, postupak pred Arbitražnim sudom može se voditi za Izrečenu disciplinsku mjeru oduzimanja bodova.
5. Arbitražni sud je nadležan da rješava i sporove između saveza osnivača, a koji nisu u nadležnosti drugih organa Unije.

Član 64

1. Sud čini devet sudija-članova, od kojih tri iz ŠS FBiH, tri iz ŠS HB i tri iz ŠS RS.
2. Predsjednik i dva potpredsjednika moraju biti iz različitih saveza.
3. predsjednika, dva potpredsjednika i članova Suda imenuje Skupština Unije, na prijedlog šahovskih saveza.
4. Članovi Suda moraju biti kandidati koji su završili pravni fakultet.
5. Članovi Suda poimenično imaju i svoje zamjenike.

Član 65

1. Članovi Unije, savezi i klubovi i službena lica Unije ne mogu sporove koji proističu iz organizacije Šahovskih takmičenja, odigranih natjecanja, kao i druge sporove koji su u nadležnosti organa, tijela i komisija šahovskih saveza i Unije, iznositi pred redovne organe, niti mogu voditi sudske i upravne postupke.
2. Svi organi ove Unije, organi Saveza i svi ostali koji su organizirani i uključeni posredno ili neposredno u šahovske organe na svim nivoima organizovanosti obavezuju se da sporove iz osnova šahovskog sporta rješavaju pred nadležnim organima Šahovske unije.
3. Odluka nadležnih organa šahovske organizacije je konačna.

XVIII ZAVRŠNE ODREDBE**Važeći zakoni i teritorijalna nadležnost****Član 66**

U svim slučajevima kada je to potrebno, pored ovog Statuta i pravilnika i poslovnika organa Unije, kao i odluka nadležnih organa unije, primjenjivat će se propisi Bosne i Hercegovine.

Materija koja nije obuhvaćena Statutom**Član 67**

1. Skupština Unije je ovlaštena da odlučuje o svim pitanjima koja nisu obuhvaćena ovim Statutom ili u slučajevima više sile.
2. Odluke koje su vezane za zakonsku regulativu države BiH stupaju na snagu danom verifikacije na Skupštini Unije.

Raspuštanje Unije**Član 68**

1. U slučaju da nastupe okolnosti na osnovu kojih Unija prestaje da postoji, za odluku o raspuštanju Unije potrebna je odluka Skupštine Unije koja se donosi glasanjem 2/3 članova iz svakog saveza.
2. U slučaju raspuštanja Unije nadzor nad imovinom Unije će biti povjeren Ministarstvu civilnih poslova Bosne i Hercegovine.

Primjena**Član 69**


1. Ovaj Statut usvojen je na Osnivačkoj sjednici Skupštine Unije održanoj 28. 08.2004. godine.
2. Statut se primjenjuje od dana Usvajanja.


Član 70

1. Obavezuju se savezi da svoje statute i druge akte usklade sa ovim Statutom u roku od šest mjeseci od dana usvajanja ovog Statuta.
2. Svi organi Unije moraju svoje akte, pravilnike i poslovničke uskladiti sa ovim Statutom u roku od šest mjeseci od dana usvajanja ovog statuta.
3. Tekst Statuta ima se prevesti na engleski jezik, s tim što će se tekst Statuta štampati na službenim jezicima Unije.

Broj: 03/SŠU/04.

Neum, 28.08.2004. godina



Predsjednik Skupštine Unije

Emin Kemura

